

Pēbú kah Kiáⁿjī ê Koanhē

6 Chò kiáⁿjī ê, lín tiòh thiaⁿthàn pēbú, inūi che sī lí só tongjiân ê. ² "Tiòh kèngtiōng pēbú (che sī thâu chit tiâu ū hùtài èngún ê kài bēng), ³ lín tòh ē sūsū hengthong, koh ē tī sèkan híongsiū tng hòesiū."

⁸ ⁴ Chò pēbú ê, lín m̄ thang kek kiáⁿjī siūkhì, khiok tiòh iōng Chú ê kàilút kah kàsī lâi ióngiok in.

Chúlàng kah Lôpók ê Koanhē

⁵ Chò lôpók ê, lín tiòh iōng kèngùì kah sēngsít ê sim, sūnhók lín tī sèkan ê chúlàng, tú chhinchhiūⁿ lín sūnhók Kitok kàngkhoán. ⁶ M̄ thang kantaⁿ tī lāng ê bīnchēng chò hō lāng khòan, beh hō lāng hoanⁿhí; khiok tiòh chiāⁿchò Kitok ê lôpók, chunchiàu SiōngChú ê chí, sēngsim sēngì lâi chò. ⁷ Lín tiòh kamsim lòkì chīn lôpók ê púnhūn, chhinchhiūⁿ teh hòksāi Chú, m̄ sī teh hòksāi lāng. ⁸ Inūi lín chai, bōlūn sī lôpók á sī chūiū ê lāng, Chú lóng ē chiàu ták lāng ê hó kiāⁿtáh lâi kā in pòsiūⁿ.

⁹ Chò chúlàng ê, lín mā tiòh ánne khoánthāi lôpók, m̄ thang kā in tōa siaⁿ khióngghat. Lín tiòh chai, in kah lín lóng siók kāng chitūi tī thiⁿténg ê Chú, jīchhiáⁿ Chú ēng kàngkhoán ê thāitō teh tui thāi múi chitê lāng.

SiōngChú só Sù Choanthò ê Búchong

¹⁰ Chòeāu, góa khng lín tiòh kah Chú kiatliân, óakhò l tōa koánlêng ê khùilát lâi chiāⁿchò kiankiōng ê lāng. ¹¹ Lín tiòh chhēng SiōngChú siūⁿsù ê choanhù chiànkah, thang hō lín khiā chāi, lâi tikhòng Mòkúì ê kúikè. ¹² Inūi lán m̄ sī kah siók hiátkhì ê lāng kauchiàn, khiok sī kah hiahê chipchēngchiá, chiángkoánchiá, chitê òam sètāi ê koánhat chiá, íkip thiankài ê siâlêng teh

父母 kah Kiáⁿ 兒 ê 關係

6 做 kiáⁿ 兒 ê, lín tiòh 聽 thàn 父母, 因為這 是理所當然 ê. ² 「Tiòh 敬重父母 (這是頭 一條有附帶應允 ê 誠命), ³ lín tòh ē 事事興通, koh ē tī 世間享受長歲壽。⁸」⁴ 做父母 ê, lín m̄ thang 激 kiáⁿ 兒受氣, 卻 tiòh 用主 ê 戒律 kah 教示來養育 in。

主人 kah 奴僕 ê 關係

⁵ 做奴僕 ê, lín tiòh 用敬畏 kah 誠實 ê 心, 順服 lín tī 世間 ê 主人, tú 親像 lín 順服基督全 款。 ⁶ M̄ thang kantaⁿ tī 人 ê 面前做 hō 人看, beh hō 人歡喜; 卻 tiòh 成做基督 ê 奴僕, 遵照 上主 ê 旨意, 誠心誠意來做。 ⁷ Lín tiòh 甘心樂 意盡奴僕 ê 本份, 親像 teh 服事主, m̄ 是 teh 服 事人。 ⁸ 因為 lín 知, 無論是奴僕 á 是自由 ê 人, 主 lóng ē 照 ták 人 ê 好行踏來 kā in 報賞。

⁹ 做主人 ê, lín mā tiòh ánne 款待奴僕, m̄ thang kā in 大聲恐嚇。 Lín tiòh 知, in kah lín lóng 屬全一位 tī 天頂 ê 主, 而且主用全款 ê 態 度 teh 對待每一個人。

上主所賜全套 ê 武裝

¹⁰ 最後, 我勸 lín tiòh kah 主結連, óa 靠祂 大權能 ê 氣力來成做堅強 ê 人。 ¹¹ Lín tiòh 穿上 主賞賜 ê 全副戰甲, thang hō lín khiā 在, 來抵 抗魔鬼 ê 詭計。 ¹² 因為咱 m̄ 是 kah 屬血氣 ê 人 交戰, 卻是 kah hiahê 執政者、掌權者、chitê 烏 暗世代 ê 管轄者, 以及天界 ê 邪靈 teh 爭戰。 ¹³ 所以, lín tiòh 穿上主賞賜 ê 全副戰甲, thang tī 邪惡 ê 日子裡 ē tàng 抵抗對敵 ê 攻擊, koh tī 完

⁸CAG 20:12; SBK 5:16

⁸出 20:12; 申 5:16

chengchiàn. 13 Sói, lín tiòh chhēng SiōngChú siúⁿsù ê choân-hū chiànkah, thang tī siâok ê jitchí nih ē tàng tikhòng tuiték ê kongkek, koh tī oânsêng itchhè liáuāu, iûgoân khiā chāi.

14 Sói, lín tiòh khiā hō chāi, ēng chinlí chò iotòà lâi hâ, ēng konggī chò hengkah lâi chhēng, 15 koh ēng chúnpī piānpīan ê hôpêng ê hokim chò ê lâi chhēng. 16 Tūliáu chiahê ígōa, lín iáu tiòh putsí ēng sînsim chò tînpâi, chiah ē tàng títòng Môkúi sôū ê hóechìⁿ. 17 Lín koh tiòh iōng kiùun chò thâukhoe, ēng Sènglêng — iā tòh sī SiōngChú ê òe chò kiàm. 18 Tiòh óakhò Sènglêng choânsim kító, sîsî khúнкиú, koh tiòh putsí kêngchhéⁿ, sîsiông ūi sôū ê sîntō kító. 19 Mā chhiáⁿ lín ūi góa kító, kiú SiōngChú siúⁿsù góa kháu-châi, thang hótáⁿ khuichhùi soankáng hokim ê òpì. 20 Ūi tiòh chitê hokim ê iânkò, góa chit má chiáⁿ chò chitê kòà thihliân ê sùchiá. Chhiáⁿ ūi góa khúнкиú SiōngChú, hō góa ē tàng hótáⁿ soaniông góa engkai kóng ê hokim.

Chòeāu ê Chhéngan

21 Goán só thiàⁿ ê hiaⁿtī, mā sī Chú lâi tióngsit ê pòkjîn Tukhikó, i ē kā lín pòkò góa ê tãichì kah góa ê kīnhóng. 22 Ūi tiòh chitê bóktek, góa che i khì lín hia, thang hō lín chai goán ê chhúkéng, koh thang hō lín tùi i tit tiòh anùi.

23 Goān ThiⁿPē SiōngChú kah Chú Iésu Kitok siúⁿsù pêngan, thiàⁿsim kah sînsim hō chéng hiaⁿtī chímoē! 24 Goān SiōngChú ê intián kah sôū ēng putpiàn ê thiàⁿsim teh thiàⁿ lán ê Chú Iésu Kitok ê lāng tôngchāi!

成一切了後，猶原 khiā 在。

14 所以，lín tiòh khiā hō 在，用真理做腰帶來繕，用公義做胸甲來穿，15 koh 用準備便便 ê 和平 ê 福音做鞋來穿。16 除了 chiahê 以外，lín iáu tiòh 不時用信心做藤牌，chiah ē tàng 抵擋魔鬼所有 ê 火箭。17 Lín koh tiòh 用救恩做頭盔，用聖靈—也 tòh 是上主 ê 話做劍。18 Tiòh óa 靠聖靈全心祈禱，時時懇求，koh tiòh 不時警醒，時常為所有 ê 信徒祈禱。19 Mā 請 lín 為我祈禱，求上主賞賜我口才，thang 好膽開嘴宣講福音 ê 奧祕。20 為 tiòh chitê 福音 ê 緣故，我 chit má 成做一個掛鐵鏈 ê 使者。請為我懇求上主，hō 我 ē tàng 好膽宣揚我應該講 ê 福音。

最後 ê 請安

21 阮所疼 ê 兄弟，mā 是主內忠實 ê 僕人推基古，伊 ē kā lín 報告我 ê tãichì kah 我 ê 近況。22 為 tiòh chitê 目的，我差伊去 lín hia, thang hō lín 知阮 ê 處境，koh thang hō lín tùi 伊得 tiòh 安慰。

23 願天父上主 kah 主耶穌基督賞賜平安、疼心 kah 信心 hō 眾兄弟姊妹！24 願上主 ê 恩典 kah 所有用不變 ê 疼心 teh 疼咱 ê 主耶穌基督 ê 人同在！